



Broj: 07-14-26651/16
Sarajevo, 31.08.2016. godine

Na osnovu Odluke o usvajanju Programa utroška sredstava sa kriterijima raspodjele sredstava "Poticaj razvoju male privrede" za 2016. godinu ("Službene novine Kantona Sarajevo", br. 20/16 i 32/16) i člana 3. stav (6) Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16 i 30/16), Ministarstvo privrede Kantona Sarajevo objavljuje

JAVNI POZIV

za odabir banke za plasman kreditne linije uz subvencioniranje dijela kamatne stope od strane Ministarstva privrede za subjekte male privrede koji posluju na području Kantona Sarajevo

Pozivate se da dostavite ponudu za pružanje sljedećih usluga: "Plasman kreditne linije uz subvencioniranje dijela kamatne stope subjektima male privrede sa područja Kantona Sarajevo iz sredstava Budžeta Kantona Sarajevo – Ministarstva privrede za 2016. godinu". U cilju provođenja ove kreditne linije, za subvencioniranje dijela kamatne stope Ministarstvo privrede obezbjeđuje sredstava u iznosu od 1.930.000,00 KM. Prilikom odabira banke posebno će se cijeniti:

- a) visina finansijskih sredstava za kreditnu liniju,**
- b) visina kamatne stope,**
- c) visina troškova obrade kredita,**
- d) broj uspješno implementiranih kreditnih linija na području Kantona Sarajevo čiji su karakter i kompleksnost slični onima koji se odnose na ovaj javni poziv, i**

I PREDMET POZIVA

a) Predmet Javnog poziva je prikupljanje ponuda za odabir banke – partnera za plasiranje kreditne linije uz subvencioniranje dijela kamatne stope subjektima male privrede sa područja Kantona Sarajevo. Ministarstvo privrede je obezbijedilo sredstva za subvencioniranje kamatne stope u Budžetu Kantona Sarajevo, a Banka će obezbijediti kreditna sredstva subjektima male privrede. Ugovorom između Kantona Sarajevo – Ministarstvo privrede i odabrane banke će se regulisati pravo podnošenja prijave za kreditna sredstva iz ove kreditne linije, visina kreditnih sredstava, visina i način realizacije subvencionirane kamatne stope, te način monitoringa i izvještavanja Ministarstva privrede o korisnicima ove kreditne linije. Krajnji rok za realizaciju ugovora je 31.12.2016. godine.

b) Pojam subjekt male privrede podrazumjeva fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, na način kako je propisano Zakonom o poticaju razvoja male privrede ("Službene novine Kantona Sarajevo", broj: 29/15).

c) Sredstva Budžeta Kantona Sarajevo namijenjena subjektima male privrede za 2016. godinu ne mogu se koristiti kao poticajna sredstva za sljedeće djelatnosti: ugostiteljska, proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu, otvaranje kasina i drugih igara na sreću.



II OBAVEZE BANKE

- a) Obaveza Banke je da nakon zaključivanja ugovora objavi javni poziv za dodjelu poticajnih kreditnih sredstava, s tim da se prijave sa potpunom i potrebnom dokumentacijom podnose Banci. Odobreni kredit po jednom korisniku ograničava se iznosom do 1.000.000,00 KM. sa maksimalnim rokom otplate u zavisnosti od visine kreditnog zahtjeva od 36 do 84 mjeseci.
- b) Banka, po isteku Javnog poziva za izbor korisnika poticajnih kreditnih sredstava, razmatra zaprimljene prijave aplikanata u skladu sa Ugovorom i Javnim pozivom, te provodi druge aktivnosti u skladu sa aktima Banke.
- c) Banka zaključuje ugovore sa korisnicima kreditnih sredstava, a jedan primjerak tih ugovora dostavlja Ministarstvu privrede.
- d) Banci pripada kamata po odobrenim kreditima, troškovi obrade kredita, provizija za prijevremeni povrat kredita, kao i ostali troškovi koje snosi korisnik kredita. Banka u potpunosti snosi rizik naplate odobrenih poticajnih kreditnih sredstava – glavnice i pripadajuće kamate.
- e) Banka se obavezuje mjesečno izvještavati Ministarstvo privrede o namjenskom trošenju kreditnih sredstava u formi koju usaglase Ministarstvo privrede i Banka te u skladu sa ugovorom vršiti kontinuirani monitoring o namjenskom utrošku sredstava. Banka će voditi posebnu računovodstvenu evidenciju za sve korisnike po ovoj kreditnoj liniji.
- f) U skladu sa ugovorom korisnici sredstava dužni su banci u roku i na način propisan ugovorom dostaviti dva primjerka Izvještaja sa dokazima o namjenskom utrošku sredstava iz ove kreditne linije, nakon čega banka jedan primjerak Izvještaja sa dokazima dostavlja Ministarstvu privrede.

III MJESTO I NAČIN PODNOŠENJA PONUDE

Ponudač dostavlja ponudu u originalu i podnosi je u zatvorenoj koverti. Ponude se predaju na protokol Kantona Sarajevo ili putem pošte, na adresu Ministarstva privrede, u zatvorenoj koverti na kojoj, na prednjoj strani koverta, mora biti navedeno:

Naziv: Kanton Sarajevo – Ministarstvo privrede

Adresa: Ulica Reisa Džemaludina Čauševića 1, 71000 Sarajevo

Na koverti obavezno naglasiti: Ponuda za pružanje bankarskih usluga „NE OTVARAJ“

Na poledini koverta obavezno se navodi: naziv podnosioca ponude, adresa i kontakt telefon, te se ovjerava pečatom.

Ponuda, bez obzira na način dostavljanja, mora biti zaprimljena u Ministarstvu privrede do datuma, vremena i adresi navedenoj u javnom pozivu. Sve ponude zaprimljene nakon tog vremena su neblagovremene i kao takve, neotvorene će biti vraćene ponudaču. Ponuda se čvrsto uvezuje na način da se onemogućiti naknadno vađenje ili umetanje listova. Stranice ponude se označavaju brojem na način da je vidljiv redni broj stranice.

IV USLOVI ZA UČEŠĆE

Opšta dokumentacija:

- a) Rješenje o upisu u sudski registar;
- b) Dokaz o dozvoli za rad (licenca) od Agencije za bankarstvo Federacije BiH;



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



- c) Certifikat Agencije za osiguranje depozita
 - d) Porezni, PDV i identifikacijski broj,
 - f) Uvjerenje o izmirenim porezima i doprinosima kojim se potvrđuje da se uredno izmiruju direktni porezi, doprinosi za PIO/MIO i zdravstveno osiguranje izdato od Poreske uprave Federacije BiH ne starije od tri mjeseca od dana podnošenja prijave;
 - g) Dokaz o Adekvatnost kapitala na dan 31.12.2015. godine koja ne smije biti manja od 14%.
 - h) Uvjerenje nadležnog suda ili organa uprave kod kojeg je ponuđač registrovan kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini;
 - i) Izjava da visina kapitala na dan 31.12.2015.godine, nije manja od 80 miliona KM; i
 - j) Kompletan set finansijskih izvještaja u skladu sa Odlukom o formi izvještaja koje banke dostavljaju Agenciji za bankarstvo za posljednji kvartal 2015. godine.
- Sve kopije dokumenata koje se prilažu moraju biti ovjerene od strane nadležnog tijela uprave ili notara, ovjerom, ne starijom od 3 (tri) mjeseca, računajući od dana objave Javnog poziva.

Posebna dokumentacija:

Uspješno iskustvo u realizaciji ugovora čiji su karakter i kompleksnost slični onima koji se odnose na ovaj javni poziv, pružanje bankarskih usluga pravnim licima.

IV ROK ZA PODNOŠENJE PONUDA NA JAVNI POZIV

Rok za dostavljanje ponuda je 21 (dvadestjedan) dan od dana objave Javnog poziva u jednom dnevnom listu i na web stranici Ministarstva. Prijave primljene nakon isteka roka neće biti uzete u razmatranje.

V OCJENA I IZBOR PONUDE

Odabir banke za plasman kreditne linije uz subvencioniranje dijela kamatne stope od strane Ministarstva privrede za subjekte male privrede koji posluju na području Kantona Sarajevo provodi Komisija koju u skladu sa zakonskim propisima i navedenim Pravilnikom imenuje Ministar privrede Kantona Sarajevo. Kriteriji koje će imenovana Komisija primjenjivati za ocjenu i izbor ponude su:

- a) visina sredstava za kreditnu liniju----- učešće 50% ----- max. 50 bodova
- b) visina kamatne stope ----- (%) ----- učešće 35% ----- max. 35 bodova
- c) visina troškova obrade kredita----- (%)----- učešće 5% ----- max. 5 bodova
- d) broj uspješno implementiranih kreditnih linija na području
Kantona Sarajevo čiji su karakter i kompleksnost slični onima
koji se odnose na ovaj javni poziv --- ----- učešće 10% - max. 10 bodova

Sve banke, učesnice na Javnom pozivu, će biti obaviještene o odluci Ugovornog organa i o rezultatu postupka javne nabavke, u roku od 7 (sedam) dana od donošenja odluke.

Ugovor se dodjeljuje Banci koja je u skladu sa navedenim kriterijima dostavila ekonomski najpovoljniju ponudu.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



VI OSTALE ODREDBE

U postupku po Javnom pozivu Ministarstvo ne snosi nikakve troškove učesnika Javnog poziva, te zadržava pravo da poništi Javni poziv, ili da odbaci sve ponude, u bilo koje vrijeme prije zaključenja ugovora. Ministarstvo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja. Podnosiocu ponude koja udovoljava formalno-pravnim uslovima iz Javnog poziva, a koji bude odbijen zbog manje ocjenjene ponude na njegov pismeni zahtjev, Ministarstvo će obrazložiti razloge zbog kojih isti nije odabran. Prispjela dokumentacija se ne vraća podnosiocu ponude. Sve dodatne informacije vezane za Javni poziv mogu se dobiti svakim radnim danom putem telefona: 033/ 562 119.

MINISTAR

Dr Muharem Šabić



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

